

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Beneficiorum Ecclesiasticorum Natvra, Erectione, Qualitatibvs Ad Ea
Obtinenda Requisitis ...

Leuren, Peter

Coloniæ Agrippinæ, 1704

496. Quâ actione Ecclesia, aut ejus loco Parochus vel Episcopus exigere
possit decimas sibi debitas.

[urn:nbn:de:hbz:466:1-74477](#)

erit ad Episcopum aliumve Judicem competentem, de quo, quis sit, paulo post, ut is compellat solvi, vel restituiri decimas.

Questio 496. Quā actione Ecclesia, aut ejus loci parochus vel Episcopus exigere possit decimas sibi debitas?

Respondeo primò: si quæstio sit super ipso iure decimandi, ad quem pertineat, Ecclesia instituere potest actionem confessoriæ item, per quam perit à Judice declarari, hoc jus sibi competere; sicut enim rei vindicatio actio est realis, & competit Domino pro rebus corporalibus obtinendis, ita dicta actio confessoria realis conceditur Domino pro juribus in corporalibus consequendis. Pirk. ad tit. de decim. n. 156. citans Gl. & Abb. in c. tua. h. t. Suar. c. 36. n. 9.

2. Secundò: si quæstio est de ipsis decimis, seu fructibus decimatis nondum separatis à fundo, vel reliquis fructibus injustè detentis, agere potest Ecclesia ad separationem & solutionem, non quidem strictè dicta vindicatione, utpote quæ soli Domino competit, sed conditione ex lege seu canonie; vel si decimæ debeantur ex consuetudine, conditione ex lege consuetudinaria approbata per legem Canonicam, qua licet sit actio personalis, est tamen simul etiam in rem scripta, seu rei persecutoria, ita ut contra quenvis fructuum non decimatorum possessorem institui possit (unde etiam, non quidem directa, sed utilis rei vindicatio appellari potest, qua datur quasi Domino, sive utile dominium in re habenti). Suar. loc. cit.) Pirk. n. 157, juxta c. pastoralis. b. t. & Gl. in c. moderamine. v. fibi vendicant. Portò hæc conditio ex canone competit quoque Ecclesia contra illum, qui fructus, sive adhuc harentes solo, & à reliquis fructibus nondum separatos, sive iam separatos & decimatos, perdonum vel notabilem culpam seu negligentiam destruxit; cum tunc agi possit ad estimationem frumentorum decimalium, nempe ad id, quod spectatis aliis annis Ecclesia solebat ac poterat percipere. Pirk. num. 158. citans Innoc. in c. commissum. b. t. D. Tho. 2. 2. q. 87. a. 2. ad 4. Quin & contra Dominum prædiū decimis obnoxii, dum is illud vendit vel elocat colono tali pacto, ut Ecclesia ab emptore, vel conductore consequi nequeat decimas, ut dictus Dominus damnum Ecclesiæ illatum resarciat, & solvat estimationem decimarum. Pirk. n. 159. & 160, citans D. Thom. ubi ante. Suar. c. 36. n. 15. cum dominus prædiū teneatur id tali modo vendere, vel locare, ut Ecclesia decimis ex ea debitis non fraudetur, c. in aliis h. t. Ecclesia, ut ex cit. c. collegitur, Abb. ibid. n. 3. habente veluti jus quoddam in ipso fundo ratione decimarum, ob quod compellere possit dominum fundi, ut talibus colonis locet illum, qui fideliter & utiliter eum colant, ne decimis fraudetur. Pirk. loc. cit. Unde & pater hanc conditionem rei prosecutriam esse utiliore Ecclesiæ, quam directa & propria rei vindicatio.

3. Probabilius tamen videtur, non posse conveniri emptorem, seu novum possessorem prædiū, & ab eo exigiri decimas præteriti temporis, non solitas ab ejus domino seu venditore; ed quod obligatio per se non inheret fundo, ex quo solvuntur decimas (secundus ac tributa, quæ per se ex speciali juris dispositione ipsos fundos sufficiunt, & ad novum possessorem transirent, etiam cum obligatione

P. Leuren. Fori Benef. Tom. I.

præterita tributa non soluta solvendi) sed solum respectivè, seu in ordine ad fructus, quibus per se & immediatè inest onus decimarum. Sed neque, ut dictum paulo supra, fundi sint iure pignoris obligati; adeoque antiquus possessor, seu vendor convenire possit & debeat, utpote qui fructus fundi præteritis annis perceperit; non vero emptor, utpote ad quem dicti fructus non pervenerunt. Quibus si qui textus obstat evidenter, intelligenti sunt, & loquuntur de onere præstandi decimas ex fructibus in futurum percipiendis, ad quos obligabitur emptor seu possessor novus, ad quem fundus pervenit. Pirk. n. 161. citans Suar. c. 38. n. 9. Laym. Theol. mor. l. 4. tr. 4. c. 2. n. 5. Cants. de decim. c. 4. num. 3. contra Abb. in c. cum homines. b. t. num. 6. Gigas de pens. q. 39. num. 12. Azor. p. 1. l. 7. c. 24. q. 2. Rebuff. q. 9. n. 9. Monet. de decim. c. 6. n. 18. Tiraq. Cenedo, & plures alios, quos citat & sequitur Barbos. cit. c. 28. §. 4. à. nu. II. censemtes in optione esse Ecclesiæ, quem velit convenire, novum, an antiquum prædiū possessorem; ed quod onus solvendi decimas sit reale, & quod pro decimis tacite fundus sit hypothecatus.

Questio 497. Quis sit Index competens in causa decimarum?

1. Respondeo: si causa decimarum est facti, & non juris; ed quod non agatur, an decimæ debeantur, sed an decimæ debita soluta sint, an non, potest Ecclesia, prout maluerit, tam coram Judice Ecclesiastico, quam laico debitorem laicum, non vero Ecclesiasticum convenire; cum hæc causa sit fori mixti. Castrrop. cit. num. 5. citans Suar. de relig. tom. I. tr. 2. l. 2. c. 38. n. 16. Fagund. ad 5. precept. l. 3. c. 5. n. 2. Covar. qq. pract. c. 35. n. 1. Barb. cit. c. 28. §. 4. n. 1. citans quamplur. contra Azor. p. 1. l. 7. c. 36. q. 5. & Homobon. de Bonis. de exam. p. 2. rr. 8. c. 8. q. 24. (in quorum sententiam inclinat Pirk. n. 162, eti probabiliorē dicat responsionem nostram) existimantes & tunc solum Ecclesiasticum esse Judicem competentem, ed quod quæstio facti decimarum ex quæstions juris decimarum, quæ spiritualis est, videatur inseparabiliter dependere, ita ut qui de ista, etiam de hac cognoscere debeat, quod solum Judici ecclesiastico competit. quod ipsum tamen recte negat Barbos. m. 2. cum constet, harum quæstionum unam ab altera distingua esse, solumque controvèrtitur, an solverit, aut perceperit decimas; non autem an sint solvenda.

2. Secundò, si causa seu quæstio est juris, quia tractatur numerum de jure, quo decimæ debentur, de expensis, quibus solvenda, de loco, quantitate, qualitate, &c. solum Judex Ecclesiasticus est competens; ed quod causa illa sit spiritualis. A. A. idem.

3. Terrio, causa decimarum datarum in feudum laicis cognoscenda & discutienda est coram Judice ecclesiastico; ed quod licet dominium hujusmodi decimarum, seu potius fructuum decimalium spectet ad laicos, & feudum censeatur secularis, oriatur tamen & dependeat à iure spirituali & ecclesiastico, ut Pirk. n. 163. & Barb. n. 2. cum hac tamen limitatione, dum numerum non in perpetuum, sed limitato tempore, vel limitatis personis feudum concessum esset, ex eo, quod tunc Ecclesia non videatur rem integrè alienasse, & quasi profanam fecisse. Azor. l. cit. c. 39 q. 3. Fagund. l. cit. n. 5. Castrrop. n. 6. Barb. cit. n. 2. Dum vero hoc decimatum